

# МҰСЫЛМАН БОЛУ ҮШІН АРАБ БОЛУДЫҢ ҚАЖЕТІ ЖОҚ

*Адамзат баласы үшін тіл қандай өзекті болса, дін де соншалықты нәзік дүние. Қазіргі біздің басты байлығымыз ат біздің Тауелсіздігіміз. Қазақтың болашағы – қазақтың қолында. Қазақтың жерінің де, тарихының да, дәстүрінің де иесі қазақ*

Десек те ортақ мүддеге біріккен көпұлтты мемлекет екеніміз де рас. Бірақ қазақ алдымен өзін-өзі тануы керек, сонау заманнан келе жатқан ата-дәстүрін, кісілік келбетін, бастысы тілі мен дінін жете түсінуі қажет. Қай ұлт болмасын өзінің ата-бабасы салып кеткен ізін жалғастырып, оны ұрпақтан ұрпаққа аманаттап отырады. Ондағысы ұлттық кодын көзінің қарашындай сақтауында жатыр. Яғни ол дегеніміз ұлтымызға тән асыл қасиеттердің жиынтығы. Соның бір парасы дін. Діннің қасиетін айшықтап жатпасақ та қасиетті екені түсінікті. Дін адамды парасаттылыққа, адамгершілікке, қайырымдылыққа, төзімділікке, ұстамдылыққа, қадірлеуге, сыйласуға, ел мен елдің арасын жақындатуға, табыстыруға қызмет ететін үлкен күш. Жаратушының құдіреттілігін білдіретін үлкен ілім. Адамзат баласы пайда болғаннан бастап, дін де бірге жасаып келеді. Қанша ұлт пен ұлыс болса, олардың тілдері секілді діндері де сан түрлі. Көбіне алауыздық діннен келіп, одан олық жейтін халық аз емес. Мұны біз тарихтан жақсы білеміз. Сондықтан да, ең алдымен, бізге керекті діннің беріктігі. Дін – ұстай алсаң қасиетін, ұстай алмасаң қасиетін болады. Қасиетін қадірлей алмаған ел қасіретке ұшырайды. Ал дін дегеніміз рухани азық. Қазақ халқы қаншама қасіретті бастан өткерсе де өзінің тілі мен дініне берік болды. Иә, Алла дінді адам үшін жаратқан. Дінді қастерлейтін де, қадір-қасиетін қашыратын да, берекесін кетіретін де – адам. Жан-жағымызға мойын бұрып қарайтын болсақ, жас жігіттердің

сақалдарын өсіріп, уағыз айтып жүргенін көреміз. Оның ішінде бет аузын тұмшалап алған нәзік жаңдыларды да көруге болады. Уағзын тындайтын болсаң өлім туралы. Жалпы саналы адам тұмақ барда өлмек барын жақсы біледі ғой. Өлімді уағыздап, жас өсіп келе жатқан ұрпақты олай тұншықтырудың қажеті қанша?! Дінді дрыс насихаттай білу керек. Әйтпесе, ол қасіретке ұшырату ғажап емес. Ақыры келетін бір өлім екен ғой деп жас өмірін өлімге тіге салмасына кім келіп? Қарап отырсаңыз, бүгінгі күні кім қандай дін ұстанамын десе де еркі. Соның кесірінен көптеген отбасылар зардап шегіп отыр. Баласы ата-анасына қарсы пылғып, ата-анасы баласынан безініп жатқан жайлар аз емес. Біле білгенге бұл исламның жолы емес. Бапыр Бауыржан Момышұлының келіні Зейнеп Ахметова аяйымыз біз сөзіне «Қазаққа мұсылман болу үшін араб болудың керекі жоқ» дегені бар. Ондағысы қазақтың тұмшаланып алғанын

көріп, күйгеннен айтқаны еді.

«Неге бізге арабтың бүкіл дәстүрін, киімін, ішіп-жейтінін алып келіп тықпаштайды. Соншалықты керемет діншіл, керемет мұсылман болатын болса, неғып 20 жылдан бері бірін бірі қанға бөгеіп жатыр. Діні бір, тілі бір, теп бір соның өзінде араб әлемі бүлініп жатыр. Олай болатын болса қазақтың арабтан үйренетін ешпенесі жоқ. Көпшілігі қателесіп жүр. Мысалы мен құдайға шексіз сенемін, бірақ мен араб болғым келмейді. Арабтың салтын да дәстүрін де ұстағым келмейді. Олар әйтеуір сақал қоюы керек, хиджап киюі керек сонда оны мұсылман дейді. Оның бәрі сыртқы көрініс, бутафория былай айтқанда. Мен атаңның қолына келген кезімде бар-жоғы 25 жаста болатынымын. Сонда баламыз үш жаста, әйтпесе мен де университет бітірген, телестудияда қызмет істеп жүргенмін. Атаңның қолына көшіп келген кезімде менің басым жалаңбас болған жоқ. Өйткені бізге үлкенді сыйлау, «атаңның алдында ербепдеп жалаңбас жүрме» деп анамыздың құлағымызға сіңіргені бар. Мен атамның алдында ешқашан жалаңбас, сирағым сидым жүрген емеспін. Орамап салсаң мұсылман боласың, орамап салмасаң көпір

боласың деген сөзіміздің өзі қызық. Сүндетке отырмағанын бәрін көпір дей салады. Ал мұсылман дінін ұстанбайтын, бірақ та сүндетке отыратын ұлттарды естейсің. Мысалы еврейлер. Ал сонда қалай? Сонда көпір деген кім? Менің түсінігімде көпір деген құдайға сенбейтін, сауатты іс жасамайтын, кінәні мойындамайтын, кешірім сұрауды білмейтін, арамға қол созатын адам – көпір. Ал бұл барлық ұлтта бар. Мұсылмандық деген адамның ішкі жан-дүниесінің тазалығы, құдайды өз жүрегімен мойындауы, айналасына қамқорлығы, ата-анасына мейірім. Өзі өмір сүріп, ауасын жұтып, суын ішіп отырған табиғатқа жанапшырлығы. Мұсылмандық деген адамның ішкі жан-дүниесінің тазалығы, осының бәрі жиналып келгенде адамның имандылығы», - дейді жазушы Зейнеп Ахметова.

Иә, қазақ халқы ислам дінін жоғары бағалайды. Себебі ата-бабамыз бес уақыт намазын қаза қылмаған, 30 күн оразасын ұстаған. Ислам діні - отанды сүюге, туған халқын қадірлеуге, ата салтын әспеттеуге, ата-анасын сыйлауға, арлақтауға үндейтін дін. Осы жолдан айнымасақ болғаны.

Жанар ТҰРДЫБЕКҚЫЗЫ



## ҚАУІП ҚАЙДАН ДЕМЕҢІЗ тәрбие табалдырықтан басталуы керек

*Теледидарды қосып жаңалық қарай қалсақ болары, түрлі дерлік оқиғаларды естіп, көріп, сол сәтте сана «онысы несі?» «бұл қалай болғаны?» «өзімен кетсін», «беті аулақ» деген сынды немқұрайлылықпен қоя салатын күйге жеттік. Біреу біреуді өлтіріп қойса да «жасымыны шығар» дейтін болдық. Ауашылық жоқ...*

Одан бұрын қорқы жоқ. Адамның адамға деген жанапшырлығы аз. Тіпті қалмаған да сияқты. Өйткені жыртқыш андың өзі өзінің төліне барынша мейіріммен қарады. Ал адамдарда сондай қасиет кеміген. Қыз бен ұл тәрбиелеп өсіріп отырған әрбір отбасы ең алдымен баласының болашағына алаңдамай, оның бүгінгі қажеттілігіне қатты мән беретін секілді. Тіпті солай екенін де көзіміз көріп жүр. Қымбат киім, қымбат бұйым, ас та тек тоқшылық, осының барлығы дерлік адам баласын есірттіп, уақытынан бұрын есейтіп те жіберетіні сөзсіз. Алғашқы жылдары теледидардағы хабарлардың көңіл құлазытатын тұстарын көріп, айналымызға, жазды-жауықтарымызды бір түгендеп, жан-жағымыз ондай бөлектерден таза екеніне шүкіршілік етіп отырдық. Сыртта болып жатқан құмдықтар расында даға ұстатарлық әрі қазақы болғысымызға жат-тын. Солардың ең сорақысы бауыр еті баласын тастап кеткен көкек аналардың көбейгендігі. Бұрындары мұндайды естімейтін едік, ал қазір «аязды үстеген, доретханада қалған, итке жем болған тастаңды нәрестелер» саны артып барады. Өз құрағынан шыққан шаранысын үйінен шыққан қоқысты лақтырып жатқандай, далаға қалдырып кетуі ғасырдың дертіне айналып кеткендей. Бұл дегеніміз зинакорлықтың көбейгені деген сөз. Мұндай кері кету қазақ ұлтында бұрын болмаған еді, естімеген де едік...

Көкек ана қайдан шығады? «Қызға қырық үйден тыю» деп қызды, «Жігітке жар қымбат, намыс пен ар қымбат» деп ұлды тәрбиелеп, оларды елдің қамын ойлар азамат етіп тәрбиелеу халқымыздың бұлжымас ұстанымы емес пе еді? «Махаббатсыз дүние бос. Хайуанға оны қосындар деп» Абай ағамыз айтқандай жастар арасындағы махаббат деп атаптыпмақ, ұлы сөзімді қадірлеу,

құрметтеу кеңестік кезде де бір сәтке толастамаған. Қаншама кинолар көрсетіліп, қаншама кітаптар жазылып, театрларда пьесалар қойылатын. Радио әр отбасының асханасында ас дайындап жүрген аналардың, қыз-келиндердің құлағына тәлім-тәрбиелік әңгімелерді майын тамызып құятын.

Үйдегі ата-ана бойжетіп келе жатқан қызына ешнәрсеңін тыйым салуға жарамааса, мектептегі мұғалім тәлімін тыңда алмаса, бұл мемлекет тарапынан шүрек ғасыр бойы бетімен жіберілген көрсетілмеулерге шектеу қоймай, ұлттық құндылықтарымызды қор-ғайтын әрекеттерге бармай келгендігінің көрінісі емес пе? Осы кеткенімізбен кете берсек, бұл – қазақ қоғамына төнген қауіп қой!!!

Өкесі мен ағасынан қаймы-ғатын, анасы мен женгесінің сөзін тындайтын қазақтың қара көзі бүгінде бәрінен тәуелсіз. Күнделік көк жәшіктен, ғаламтордан еш тыйымсыз көрсетіліп жатқан шетелдік көріністерге еліктеген қара көздеріміз көйлегінің етегін ғана емес, ақыл-ойын да қысқартып тастады. Ұлына ұлағатты, қызына қылықты нәрсе үйрететін ата-ананың дені далада тіршілік қамымен жүр. Сондықтан болар олар баласының күнделікті не істеп жүргенінен бейхабар. Көргенін жасауға ынтық жас-тәр бұл күнде не істемеді, қыздар шашын тақырып, ерине, төсіне, жамбасына силикон жасатты. Түнігі клуб кезіп, жынды су ішкен бойжеткен есінен ғана емес, абыройынан да осылай оңай айырыла салды. «Дамыл кеткен» шетелден осындай жабайылықты үйренген жастардың бұл дерті уақыт озған сайын асқынып барады. Күні кеше Астана телеарнасында «Тастаңды сәбілердің тағдыры» деген тақырып «Кеш емес» бағдарламасында талқыланды. Бағдарлама барысында ҚР Мәдениет қайраткері Қымбат Әбділақызының ашына айтқан мына сөзіне бей-жай қарай

алмадым. «Бізді жаратушы иеміз қазақ қылып, мұсылман етіп жаратқан. Еуропа етегін ашып жүр, көшеде бірімен бірі сүйсініп тұр, қалауы бойынша азаматтық некеге тұрып, жүртісі келсе жүріп, жатқысы келсе жатады екен деп, соның бәрине еліктеген қазақ жастары кім боларын білмей қалды қазір.

Ал соның нәтижесінде бетін шымшып, ұят болды-ау дейтін, қызым сен ертең от бассаң мен мына дүниеде де, ана дүниеде де сен үшін жауаптымын. Қыз дегеннің құмыры бөіше шектің құмырындай ғана, сол уақыттан аман от қызым. Сен жамандыққа ұшырасаң, туған әкеңе, бауырларыңа, ең бірінші ағайынына сенімнен қоса бетім күйетін менімін. Тірі жүрсем басымды көтеріп жүргізі, өлсем көрде тыныш жатқыз, сенің тәрбиен менімен қоса айтылады қызым, сен қонақсың қызым дейтін аналарды тауып беріңізші...» Анда-санда берілетін мұндай хабарлар қоғамымызда орын алған осы қасиетке арашашы бола ала ма? Білтік басымдағылар мұны көре ме екен?

Ғылыми прогресстің дамыған заманында көзі ашып-жұмғанша қолыңдағы алақандай құрлықыдан барлық жаналықты көре аласың. Ғаламтор желісі бүкіл жалаңда не болып жатқанынан хабарлар етеді. Үлкен-кіші бірдей әлеуметтік желілерден бас алмай, түрлі сайттардан өздеріне қажетті нәрсені тауып ала қояды. Өзіңді пікірлерін жазып, бейнебаянды жүктейді. Не керек, бүгінгі күні барлығы да қолжетімді. Бірақ... Бірақ, осындай пайдалы дүниені жағымсыз әрекеттермен толытып отыратын жандар жетерлік. Қазақ десең өзіне тиелі. Далада қалған сәбідің шырылын естігендер бірінші сәбіді құтқаруға асықпайды. Ыңғалдымен оны ұялы телефондарына түсіріп, бүкіл ел көретін ғаламторға жүктейді. Сонан соң ғаламтор белсенділері оны талқыға салады, қарап-сілеп, болған жағдайды түрлі-түрлі етіп тараға бастайды. Ойнақтап жүріп от басқан да қазақ, оны әлемге әшкере етіп отырған да қазақ. Қазақты қарағп, қызына қырық үйден тыйым сала алмай отырған да қазақ. Көргіңіз бе? Бүгінгі қазақ қоғамының тәрбиесі қандай? Айтпағым, ғаламторға өзімізді жалаңға жаман жағымыздан көрсетуге тырыспайықшы. Тіпті былай қарасақ, онда жас балалар

отырады. Олардың санасына мынандай сорақы көрініс қандай әсер қалдырады? Жарайды делік, теледидардағы жаңалықтарда көрсетілді, бірақ оны ғаламторға кім болса сол көрсін деп қойғанымыз дұрыс па? «Малым жанымның садағасы, жаным арымын садағасы» дейтін қазақ ұлты осындай ма еді деп басқа ұлт күлмей ме? Далада тастанды болып қалып жатқан қазақ баласы ғана, өйткені көретініміз де естітініміз де осы. Басқа ұлттың миға сыймайтын жат әрекеттерін көріп денеміз түршігетін еді, міне, бұзыр еті баласын аямаған қазақты да көрдік. Тәлім-тәрбиені таяздығынан шығар, мүмкін қойдай момыңдығымыздан болар, әйтеуір басы белсен арылмайтын қазақтың бұл асқынған дерті болып отыр.

Қасиетті деген атқа лайық қазақ ұлты жақсысын асырып, жаманын жасыратын еді. Бұл жерде мен мынадай жексұрындық жасырып қал деген ниетте айтып отырғаным жоқ. Мұндай қасиеттің алдын алу керек. Ахмет Байтұрсынұлының «Айпа мен маймыл» деп аталатын мысал-өлеңі бар. Айпадың қарсы алдына барған маймыл айнадан өз бейнесін көреді де, жанында тұрған аюды аяғымен түртіп қалып: «Мына ұсқынсыз перің кім? Он екі мүшесінің бірі онды емес. Мен бұған ұқсас болсам, ішіме пышақ салып өлер едім...», - дейді. Сонда аю: «Маймылжан, өзіне-өзі мұхият қарашы әуелі», - депті. Ағартушы бұл мысалымен орынды мын айтылса, соған қарап мінез-құлық, тәрбие түзелсе дегенді меңзейді.

Сондықтан да мезгілдің күйіп тұрған мәселесі жастардың жасаған қылмысын әшкере етіп, орынсыз мін таға бергенше, әуелі тәрбиеге мемлекеттік тұрғыда бас назар аударған жөн болар еді. Өйткені ата-ананы да, мектепті де, жастарды да тәрбиелейтін Қазақ Елі деген мемлекет. Ол өзінің сырты күштерден, ұлтымызға жат мәдениеттерден тәуелсіз болып дегеніне де быыл 30 жылдан асты емес пе?! Оларға үкімет тарапынан және қоғамдастықтан тосқауыл қоймай осылай кете берсек, енді біраз жылдан кейін ұлттық менталитетіміз түгілі, адамдық келбетімізден де айырылып қалуымыз мүмкін.

Жанар ТҰРДЫБЕКҚЫЗЫ

### МӘМС

## 2023 ЖЫЛЫ МӘМС ҮШІН АУДАРЫМДАР МЕН ЖАРНАЛАРДЫҢ СОМАСЫ

Міндетті әлеуметтік медициналық сақтандыру жүйесінде сақтандыру мәртебесінің үнідетті шарты – «МӘМС туралы» Заңның 26, 27, 28-баптарына сәйкес жарналар мен аударымдардың болуы. «2023-2025 жылдарға арналған республикалық бюджет туралы» Заңға сәйкес 2023 жылы ең төменгі жалақы мөлшері 70 мың теңгені құрады. Ағымдағы жылы МӘМС үшін аударымдар мен жарналардың сомасы жайлы Әлеуметтік медициналық сақтандыру қорының Қызылорда облысы бойынша филиалының директоры Бақыт Исмаханбетов жауап берді.

2023 жылғы 1 қаңтардан бастап жұмыс берушілердің жұмыскерлер үшін аударымдары 3% - ы құрайды, аударымдардың ең жоғары сомасы 21 000 теңгеден аспауы тиіс. Бұл 10 айлық есептік көрсеткіштің 3% - і болып саналады.

Азаматтық-құқықтық сипаттағы шарт (АҚС) бойынша жұмыс істейтін қызметкерлер мен жеке тұлғалардың жарналары 2023 жылы табыстарының 2% құрады. Жарнаның ең жоғары сомасы 14 000 теңгені құрайды. Бұл 10 айлық есептік көрсеткіштің 2% - і болып саналады.

Жеке кәсіпкерлер мен жеке практикамен айналысатындардың жарналары 2023 жылға 4 900 теңгені немесе 1,4 АЕК-нің 5% құрады.

2023 жылы бірінші айының төлем (БЖТ) сомасы 1 айлық есептік көрсеткішке тең болады, бұл республикалық, облыстық маңызы бар қалалардың тұрғындары және Астана үшін - 1 АЕК (3 450 теңге), ал басқа елді мекендердің тұрғындары үшін - 0,5 АЕК (1 725 теңге) құрады.

Дербес төлеушілер үшін жарна сомасы да 2023 жылы өзгерті және 3 500 теңгені (1 ең төменгі жалақының 5%) құрады.

Мемлекет 15 жеңілдік санатына кіретін азаматтар үшін төлем жасайды. 2023 жылғы 1 қаңтардан бастап азаматтардың жеңілдікті санатындағы 1 адамға жарна мөлшері мемлекет жарналарын есептеу объектісінің 1,8% құрайды. Бұл мемлекеттік статистика саласындағы уәкілетті орган айқындайтын ағымдағы қаржы жылының 2 жылының алдындағы орташа айлық жалақы.

## 81 МЫҢНАН АСТАМ АҚАУ АНЫҚТАЛДЫ

Әлеуметтік медициналық сақтандыру қорының сарапшылары мемлекет тегін медициналық көмектің кепілді берілген көлемі (ТМККК) шеңберінде және міндетті әлеуметтік медициналық сақтандыру (МӘМС) пакеті бойынша жеткізушілер көрсеткен қызметтердің сапасы мен көлеміне мониторинг жүргізуді жалғастыруда.

2022 жылдың 11 айында халыққа медициналық көмек көрсету кезінде 81 155 түрлі ақаулар анықталды, медициналық ұйымдарға салынған айыппұл сомасы 1 млрд. 15 млн. теңгені құрады.

«ТМККК және МӘМС пакеттері бойынша Қор жеткізушілері халыққа көрсеткен медициналық қызметтер үшін ақы төлеу осы қызметтердің сапасы мен көлеміне мониторинг жүргізілгеннен кейін ғана жүргізілетін атал өткен жөн. Іс жүзінде көрсетілген және медициналық көмек көрсету стандарттары мен ережелерін, сондай - ақ клиникалық хаттамалардың ұсынымдарын сақтай отырып, құжатпен расталған қызметтерге ақы төленеді», - деп атап өтті «Әлеуметтік медициналық сақтандыру қоры» КЕАҚ Қызылорда облысы бойынша филиалының директоры Бақыт Исмаханбетов.

Қор филиалының директоры түсіндіргендей, анықталған кемшіліктің ең көп саны жан басына шаққандағы нормативке кірмейтін, әрбір қызмет жеке төленетін консультациялық-диагностикалық қызметтерді көрсетумен байланысты. Жалпы құны 147,2 млн. теңге болатын 64 208 осындай ақаулар тіркелді. Сондай-ақ, амбулаториялық-емханалық көмек көрсету кезінде 8 335 ақау, тәулік бойы жұмыс істейтін көп бейінді стационарларда медициналық көмек көрсету кезінде 6 372 кемшіліктер анықталды.

## МӘМС ҮШІН АЛДЫН АЛА ТӨЛЕМДІ ҚАЛАЙ ДҰРЫС ЖАСАУҒА ЖӘНЕ БІР ЖЫЛ БҰРЫН МӘРТЕБЕНІ ҚАЛАЙ АЛУҒА БОЛАДЫ?

Еске салайық, 2022 жылғы 5 қыркүйекте МӘМС - ға бір жыл бұрын жарналарды төлеудің жаңа тегіті басталды. Оны «сақтандырылған» мәртебесі бар, сондай-ақ жүйеге ешқашан төлем жасамаған немесе оны жүйесіз жасаған барлық дербес төлеушілер пайдалана алады.

Ең алдымен, төлем жасама бұрын, мәртебенің және соңғы 12 айдағы төлемдердің болуын тексеріңіз. Мұны Qoldan-247 мобильді қосымшасы, Telegram-дағы SaqtandyruBot арқылы немесе eGov.kz электрондық үкімет порталындағы жеке кабинет арқылы жасауға болады. Үзінді көшірмеде әр ай үшін төлемдерді жеке-жеке көресіз. Егер сізде бірнеше төленбеген ай болса, олар үшін әлдеқайда аз мөлшерде төлем жасап, мәртебені алу тіпті болады. 2022 жылы дербес төлеушілер үшін жарналар сомасы 3 000 теңгені құрады (1 ЕТЖ-дан 5% (ең төменгі жалақы), 2023 жылы 1 ЕТЖ-дан 5% 3 500 теңгені құрайды).

Мәртебені бірден алу үшін алдымен ағымдағы айға, содан кейін келесі 11 айға ақы төлем жасау керек. Мысалы, егер сізде 2022 жылдың тамыз айынан бастап төлемдер болмаса, онда 2022 жылдың тамыздың 2023 жылдың шілдесіне дейін төлей аласыз. 12 айдағы жалпы сомасы 39 500 теңгені құрайды. Егер сізде 2022 жылы төлем мүлдем болмаған болса, онда сіз 2023 жылға жарна салған тіпті. Мысалы, егер сіз қаңтар айында төленсез, онда төлемдер 2023 жылдың қаңтар айынан жетексізден айына дейін болуы керек. 3 500 теңге x 12 = 42 000 теңге.

Төлемді кез келген екінің деңгейдегі банк немесе банкітердің мобильді қосымшалары, жылдам төлем терминалдары немесе Қапшағат филиалдары арқылы жасауға болады. Жарналар әр ай үшін бөлек төленеді. Төлем жасау кезінде ЖСН, төлем енгізілетін ай мен жылды дұрыс көрсету маңызды. Сіз 12 айға төлемдерді бірден жасай алмайсыз, өйткені жүйе әр ай үшін төлемді бөлек оқиды. Жарналарды 3 жұмыс күні ішінде төленгеннен кейін жүйеге барлық төлемдердің түсуін және мәртебенің берілуін тексеру қажет. Төлем ұзақ уақыт бойы жүйеге түспесе, төлем кезінде қате жіберілген болуы мүмкін. Қате жіберген кезде мәртебені жоғалтпау үшін сіз осы кезең үшін жарналарды қайтадан төлеуіңіз керек, ал қате төленген соманы қайтаруға қосыңыз керек. Бұл «Азаматтарға арналған үкімет» мемлекеттік корпорациясына өтініш берген жағдайда жүзеге асырылады.

Алған мәртебеніңді жоғалтпау үшін жарналарды ай сайын төлеуді ұмытпаңыз!

### ХАБАРЛАНДЫРУ

«Orbis Clinics» ЖШС-сі «Нұр-Сұлтан қаласы «Есіл» ауданы Тұран даңғылы мен Хусейін Бен Талал көшесінің қиылысы ауданы мекен жайында орналасқан ауруханасы бар медициналық қызмет көрсету орталығы құрылыстың 1-ші кезеңі» (сыртқы инженерлік желілерсіз және сметалық құжаттамасы) жұмыс жобасының «Қоршаған ортаны қорғау» бөлімі жобасы бойынша қоғамдық талқылау түрінде қоғамдық тыңдаулар өтетінін хабарлайды.

Жобалық құжаттама пакетімен Бірыңғай экологиялық порталында <https://ecportal.kz> табысуға болады.

Барлық ескертулер немесе ұсыныстар Бірыңғай экологиялық порталында <https://ecportal.kz>, 18 қаңтар және 7 ақпан (қоса алғанда) аралығында қабылданады.

Қосымша ақпаратты мына мекен-жайы бойынша алуға болады: Нұр-Сұлтан қ. Есіл ауданы, Тұран даңғылы 76 және +7 776 274 66 03 телефондары бойынша алуға болады.

### ОБЪЯВЛЕНИЕ

ООО «Orbis Clinics» сообщает о том, что, согласно общественным слушаниям в форме публичных обсуждений по проекту Раздел «Охрана окружающей среды» к рабочему проекту «Центр медицинский услуг со стационаром», расположенный по адресу г. Нур-Султан, район «Есиль», район пересечения проспекта Туран и улицы Хусейн Бен Талал 1 «Очень» строительства. (Без сметной документации и наружных инженерных сетей)

С пакетом проектной документации можно ознакомиться на Едином экологическом портале <https://ecportal.kz>.

Все замечания и/или предложения принимаются в срок с 18 января — по 7 февраля (включительно) на Едином экологическом портале <https://ecportal.kz>.

Дополнительную информацию можно получить по адресу г. Нур-Султан, район Есиль, проспект Тұран 76 по телефону + 7 776 274 66 03.